



Publicaziuns dalla vischnaunca, jamna 50

Damonda da baghegiar

Nr. 2010-1044/02

Datum da publicaziun: 17 da december 2010

La patruna: Anita Hill-Fry, Via Peisel 21, 7186 Segnas

Il representant: Stefan Coray, ing. arch. dipl. FH, Via Lucmagn 4, 7180 Disentis/Mustér

Object: Sanaziun ed engrondaziun dalla casa – adattaziun dil project, parcella 1156, Via Peisel 21, 7186 Segnas

Nr. 2010-1055

Datum da publicaziun: 17 da december 2010

Il patron: Wendelin Jacoment-Di Nolfi, Via Sogn Valentin 22, 7183 Mumpé Medel

Il representant: Giachen Lombriser, Mattenhausweg 24, 3144 Gasel

Object: Baghetg annex vid la casa da habitar, parcella 1078, Via Sogn Valentin 22, 7183 Mumpé Medel

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut tascretta dil recurrent ni da siu representant.

Disentis/Mustér, ils 13-12-2010

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2010-1053

Beat e Rita Levy, Lindenstrasse 17, 8302 Kloten; spazzar e reconstruir la casa existenta, parcella 663, Via Gonda 16, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 15-12-2010

Uffeci da baghegiar Disentis/Mustér

Administraziun communal

Sur las fiastas da **Nadal** e **Daniev** ei l'administraziun communal **serrada** il suandont temps:

Nadal naven da gievgia, ils 23 da december 2010 dallas 18.00
entochen gliendisdis, ils 27 da december 2010 allas 8.30.

Daniev naven da gievgia, ils 30 da december 2010 dallas 18.00
entochen gliendisdis, ils 3 da schaner 2011 allas 8.30.

Nus giavischein ina biala fiasta da Nadal ed in bien onn 2011!

Administraziun communal Disentis/Mustér



Surdada dil Premi Desertina ed elecziun dallas autoritads communalas

En sia seduta festiva dils 10 da december 2010 ha il cussegl da vischnaunca eligi Rita Huonder-Tenner sco presidenta e Flavio Murer sco vicepresidente dil parlament communal per igl onn 2011. Plinavon daventa gerau Roger Tuor vicepresidente communal e Victor Flepp president dalla cumissiun da gestiun. El decuors dalla seduta ein la nova geraua Madlen Deflorin-Spescha ed il niev commember dil cussegl da vischnaunca, Pius Huonder vegni saramentai.

En in ambient festiv ei il Premi Desertina da renconuschientscha vegnius surdaus al Chor-baselgia sogn Gions ed il premi da promoziun alla Uniun da scursalar e spassegiar Mompé Medel. Il president communal, Dumeni Columberg, ha undrau ils gronds merets da gerau e vicepresidente Hans Huonder, che remetta siu mandat per la fin da quest onn.

Undrientscha per Hans Huonder

Otg onns ha el apparteniu alla suprastonza communal. El ei staus in premurau, cunscienzius, luvrus e fidau gerau. Sis onns ei el staus el cussegl da vischnaunca (1997–2002), ch'el ha presidau igl onn 2000 cun distincziun. Sco cusseglier ha el iniziàu il Premi Desertina. Sco gerau ei Hans Huonder s'occupaus all'entschatta cun la construcziun bassa e brattau suenter treis onns cul forestalessar. Perencunter ha el tgirau naven da 2003 il scolaressar. Ils davos tschun onns eis el ultra da quei staus vicepresidente communal. Duront ils embrugls dalla stad 2007 ha el schizun stuiu surprender per treis meins il presidi communal.

Duront sia appartenenza al cussegl da scola ei l'organisaziun dalla scola vegnida restructurada da rudien. Tenor las directivas dalla nova constituiun digl onn 2008 ei vegniu separau la part strategica dall'operativa, dau dapli peisa al meinascola, optimau il sistem da lecziuns ed ils transports da scola, introduciu il scalem C e procurau per in bien clima el ravugl dil scolaressar.

Cun tut quellas mesiras ei la qualitat dalla scola vegnida augmentada ed el medem mument las expensas stabilisadas. Era sil sectur dil forestalessar ha ei dau midadas radicalas. Cun il niev luvratori a Cuoz ha in vegl desideri saviu vegnir realisau e l'organisaziun midada da rudien. Las novas structuras levgeschan la collaboraziun, schendran sinergias ed augmentan l'efficienza.

Dapi 2003 appartegn Hans Huonder alla cumissiun da menaschi dil Center da sport e cultura. La suprastonza communal ha supplicau el da star vinavon en quella cumissiun e da surprender il presidi entochen la fin dalla perioda d'uffeci 2009/2012. Suenter in tal engaschi eis ei capeivel ch'el vul se-descargar empau, per haver dapli temps per sia famiglia e per ses hobis, la natira, la catscha e la pesca.

En num dallas autoritads communalas e dall'entira populaziun admetta il president comunalel al gerau partent in cordial engraziament per sia excellenta lavur. La gronda raspada festiva secundescha cun in ferm e liung applaus.

Renconuschientscha per igl operar cultural e sportiv

Dapi 2004 renconuscha la vischnaunca da Mustér prestaziuns specialas d'instituziuns sco era da vischins e vischinas sin il sectur dalla cultura e dil sport. Sco *Cecilia Maissen-Desax* informescha, ha la suprastonza communal – en concordanza cun la cumissiun speciala – decidu da surdar il premi da renconuschientscha al *Chor-baselgia Sogn Gions*.

Quel embellescha onn per onn numerus survetschs divins e fiastas ecclesiasticas. *Giusep Capaul* ha schau reviver la gloriosa historia ed il meriteivel operar da quei chor e lez ha engraziàu per la distincziun cun entginas plascheivlas produczions.

Il premi da promoziun va *all'Uniun da scursalar e spassegiar Mompé Medel*, che festivescha uonn il giubileum da 10 onns. Sco *Ervin Caminada* ha menziunau en sia laudatio, ha la gruppa fatg en quei interval gronds sforzs e bia lavur cumina per porscher in'attractiva caschun da scursalar e viandar per indigens e hospes.

Il premi da renconuschientscha ei dotaus cun frs. 3000.–, quel dapromoziun cun frs. 2000.–.



Prestau buna lavur

Duront ils dus davos onns ha *Robert Cajacob* tgamunau il cussegl da vischnaunca suveranamein. La prolungaziun dil temps d'uffeci ha dau dapli cuntinuitad e stabilitad. Il sistem parlamentar, introduciscun cun la nova constituziun communal, ei secumprovaus ed il cussegl ha tractau las numerusas fat-schentas en buna concordanza.

La proxima seduta ha liug il 7 da schaner 2011 en halla a Cons. Ins vegn a s'occupar cun il project dalla Ovra electrica Russein.

Suprastonza communal

Reducziun individuala dallas premias dalla cassa da malsauns 2010

Persunas e famiglias che vivan en relaziuns economicas mudestas san, risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han aunc buca fatg diever dil dretg san far quei entochen **la fin digl onn 2010 (davos termin, datum dil bul da posta 31-12-2010)**.

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era retrer ils formulars tier l'administraziun communal.

Per damondas stein nus bugen a Vossa disposiziun.

Administraziun communal

Deponer testaments e contracts d'ierta

En rama dalla nova procedura penala e civila svizra vegnan las vischnauncas incumbensadas naven dils 1-1-2011 cun la conservaziun officiala da testaments. Persunas domiciliadas a Mustér san naven d'immediat deponer lur davosa voluntada (testaments, contracts d'ierta) tier l'administraziun communal e buca pli tier igl uffeci circuital Cadi.

Ils testaments e contracts d'ierta ch'eran deponi tier igl uffeci circuital ein vegni surdai all'administraziun communal.

Per ulteriur sclariment stein nus bugen a disposiziun.

Administraziun communal

Clom da quens

Il quen communal vegn serraus giu cun ils 31 da december 2010. Per saver risguardar las expensas occurridas uonn el quen 2010 ei tut tgi che ha aunc da dar quen alla vischnaunca per igl onn current, supplicaus da far quei entochen il pli tard **mardis, ils 28 december 2010**.

Nus supplichein tuttas firmas sco era tut ils officials dalla vischnaunca d'observar quei termin.

Administraziun communal Disentis/Mustér



8. exposiziun d'art en casa da scola Segnas ils 18/19 da december 2010

Temps d'avertura:

sonda, ils 18-12-2010, 17.00–22.00

dumengia, ils 19-12-2010, 13.00–18.00

Ovras da: Lissa Decurtins, Mustér
Annamaria Schnoz, Segnas
Sergio Berger, Mustér
Alexi Flepp, Mustér

plinavon stat igl artist Linus Flepp a disposiziun en siu atelier

Ustria: stiva da caffè cun spezialitads dil vitg

Entrada: libra

Organisatur: Chor-baselgia Segnas

Sibla 26

«**Siblus**» enquera aunc ina ni l'autra contribuziun (glossa) per sia gasetta da tscheiver «Sibla 26» che cumpara ils 26 da fevrer 2011.

Contribuziuns a scret cun speditur e suttascripziun entochen ils **10 da schaner 2011** a: Christina Bundi, Via S. Gions 2, 7180 Disentis/Mustér.

32. til da tscheiver Mustér

Era envida l'uniun da tscheiver cordialmein pign e grond da separticipar al 32. til da tscheiver

sonda, ils 5 da mars 2011 allas 14.00 a Mustér.

Annunzias e damondas tier il president Gion Hosang, tel. 079 690 97 42, e-mail: gion.hosang@tscheiver.ch.

Sin Vossas annunzias selegra

la suprastonza

Chor d'affons vischnaunca Sumvitg *Concert: Siemi da Nadal*

Mira sut Sumvitg.



Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Biblioteca populara Mustér

Liug: Casa da scola, tel. 081 947 52 90, biblioteca@disentis.ch
Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér